



Tir Yimiyim

www.tiryimiyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimiyim@gmail.com

TAPAK 7

Yangia anidakangma :



Tir Yimiyim



tir_yimiyim



tir yimiyim

TAPAK 3

**Khamenei tepsetba sülena Israel
air force-i Tehran amak**

**Asia aniölen sabang aliba India
nungertem anir arutsü inyaktepdar: Joshi**



VOL. XXIII ISSUE NO. 138 (ADOK 138) DIMAPUR TENTONÜ (MONDAY) METSÜREMI (MARCH) 02, 2026

₹ 5.00

Tanü nungi NLA budget session tenzüker

Dimapur, March 1, 2026 (TYO): Hombar nungi Nagaland Legislative Assembly indang budget session mezüngbuba shilem tenzüksü. Mezüngbuba shilem ya March 12 tashi alitsü aser senden punguben tashi amentsü sentong lir. Asüing mezüng anogo nung Nagaland Governor Ajay Kumar

Bhalla-i assembly nung o jembitsü. Iba sülen budget session phase II nung 2026-27 atema state budget benoktsü aser iba atema mezüngbuba session tembangba anogo nung osang tejangja metetdaksütsü. Chief Minister Neiphiu Rio-i 2026-27 budget benoktsü aser iba sülen olemteptsü.

NPF chief whip atema K.G. Kenye shim

Dimapur, March 1, 2026 (TYO): NPF legislature party nung chief whip inyaktü atema Power & Parliamentary Affairs Minister K.G. Kenye shimogo. Naga People's Front nung

President-i temzüng nung lateta aliba Kenye shimogo. Iba ya 14 buba Nagaland Legislative Assembly atema lir aser February 27, 2026 nungi mapa tenzükogo.

Arafi-i Iran Supreme Leader inyaka atatsü



Ayatollah Alireza Arafī (file)

New Delhi, March 1, 2026 (Agencies): US-Israeli airstrike ajanga Iran nung Supreme Leader Ayatollah Ali Khamenei tepsetba sülen interim Supreme Leader inyaka atatsü atema senior cleric Ayatollah Alireza Arafī shimogo.

of Experts nunga züngsem ka lir. Külen, Iran nung Islamic Revolutionary Guard Corps (IRGC)-ia parnok commander-in-chief, General Mohammad Pakpour tepsetba melenzüksü atema Ahmad Vahidi shimba metetdaksüogo.

Khamenei asüba sülen Iran-i parnok Constitution nung Article 111 nung lateta aliba züngsem aseme akümba council ka tenteta Supreme Leader indang tashi amshisü.

US President Donald Trump aser Israeli Prime Minister Benjamin Netanyahu nati Honibarnü operation inyakba sülen Khamenei asüba osang metetdakja liasü. Ajisüaka Iran-ibo Khamenei asüba osanggi tiyazü ta mezüngbo ashi aser Deobarnep ang pa asüba osang jangjatsü.

Iba temzüng kübok interim leadership council nung jurist member inyaktü atema Ayatollah Arafī shimtet. Pa shimba ajanga three-member body tentetogo aser Assembly of Experts-i Supreme Leader ka meshim tashi parnoki Supreme Leader indang tashi amshitsü.

Deobarnü United States President Donald Trump-i joint US-Israeli strikes nung Iran lennir 48 tepsetogo ta ashi.

Iba interim council nung President Masoud Pezeshkian, Chief Justice Gholam-Hossein Mohseni-Eje'i aser Ayatollah Arafī nunger lir. Tesüiba nung Khamenei nem dang tashi agüja aliba ajak par aseme amshitsü.

"Nisung shingaia onoki takok anguba nung mamangtsü. Khen nung lennir 48 tepsetogo aser kanga junga inyaka odar" ta US President Trump-i ashi.

Arishi küm 67 tain Arafi-i national network of Islamic seminaries nung tekolak inyaker. Pa ya Guardian Council nung clerical member ka aser Assembly

Külen, Iran nung Jamkaran Mosque nung sentsü temerem "flag of revenge" atsüketogo. Supreme Leader Ayatollah Ali Khamenei asüba sülen iba wako ya atsüketogo aser iba ajanga temeten aser mang ayangtsü sayur.

NFHRCC-i Baghty division nung temulung masüba metetdaksür



Wokha district kübok Baghty division nung tang teinyakdak mapa kar indang noksa angur. (The Media Cell, NFHRCC)

Dimapur, March 1, 2026 (TYO): Nagaland Foothills Road Coordination Committee (NFHRCC)-i Wokha district kübok Baghty division nung Foothills Road yangluba nung temulung masüba metetdaksüogo.

temenok kecha magii dang ali tenlaogo aser Naga national political groups-ia tax magir. Ajisüaka, M/s JK Constructions aser M/s Chabou & Co nem senotsü peria lezmükjaka mapa shitak meinyaker mesüra mapang shitak nung mapa metembanger, ta NFHRCC-i ashi.

inyakba den Minister-i ashiba meputeper anungji February 4 nü show-cause notices agütsüba ama inyaktü aser contractor tem dak kechi teinyaktü tim inyaktü ta NFHRCC-i metetdaksüogo.

Mapang shitak nung mapa tembangtsü aser junga yanglutsü aiben mepishia aruaka contractor temi public ola magizüker. Iba division nung mapang onsara talila agiba den mapa kanga mejungi inyaker. Tesem kar nung Hume pipe culverts enoker ita ka tsüingda raksaogo ta NFHRCC-i sangdong ka nung ashi.

Iba atema department-i February 4 nü contractor ana nem show-cause notice agüja liasü aser anogo tenet tsüingda telangzüba agütsütsü mapang züngzüksü. Iba sülen PWD (R&B) Minister Kaito Aye-ia February 7 nü tesem semdang aser tongtepratep shitak maliba agi notices yok ta ashi.

PWD (R&B) Minister-ia public dang iba mapatong nung bilemba ama mienyaktetra pai tebilemtsü khuret abentsü ta nangzükba bilemtetsü ayongzüker ta NFHRCC-isa ashi.

Foothills Road ya "people's project" ka lir aser ali kiburtemi

Ajisüaka, mapa mejungi

Maneni, Chief Minister Neiphiu Rio-ia NPWD (R&B) dang mapa shitak inyaktü aser mapang shitak nung tembangtsü atema nenshitsu ayongzüker ta parnokisa metetdaksüogo.

NNPSGSEF pur mungdang nung OPS tenzüksü nenshir



Dimapur, March 1, 2026 (TYO): February 28, 2026 nü Nagaland National Pension System Government Service Employees Forum (NNPSGSEF) pur State Convention agiogo.

NNPSGSEF nung Advisor temia o jembidang tashi angatsü, osang meteta alitsü aser külemi tejakleni aotsü asoshi akangakanga noktaksü ayongzük.

"Forum-i NPS agientsü aser Old Pension Scheme (OPS) tanaben bener arutsü akhanger. OPS ya rongsenketzung tebilemtsü ka dang masü saka moral issue ka lir. Pei mapa inyaktertem aser sodi angurtem asoshi aria mebilemba sorkar kati linük asoshi aria bilemer ta ashitsü makok" ta Avizo Nienu-isa metetdaksü.

State Academy Hall, Kohima nung agiba sentong nung state kübok tesem balala nungi Departments aser Associations nungi züngsem aika denogo.

NNPSGSEF president Avizo Nienu-i o jembidang National Pension System (NPS) kübok sorkar mapa inyaktertem taginüba aser tarutsü kümzüka ayutsü indang nangzükshia liasü.

Sorkari iba tebilemtsü asoshi ola madoker, saka mapatongtem, benjungbentsü aser kiojen yangluba nungbo sen endokba aitsür. Ola madokba ya mezüngmeshiba lir kechiyong küm aika sorkar tenzüka aruba odangbo mezüngdoksüla anungji policy yanglurtemi lenmang kar bushitsüla ta paisa ashi.

Sentong nung North East Government Employees Welfare Federation (NEGWEF) Convener Achuytananda Hazarika-i tetushi süa jaoker ka ama shilem agi.

NPS employees tasür kibongtemi mapang talangka timtema arur aser parnok nem Rs.1000-1500 tashi dang pension agütsür. Ajisüaka, Forum-i mepishiba ama Nagaland sorkari February 24, 2026 nü telangzüba tajung agütsüba asoshi pelar ta Avizo-i ashi.

CANSSEA, NCSA aser FONSESA dena telok balalai NNPSGSEF pusema nungitba osangtem lemsatapa liasü.

Kohima nung National Science Day mungogo



Capital Convention Centre, Kohima nung National Science Day amungba mapang tangokba noksa ka nung Principal Secretary, I. Himato Zhimomi den ketdangsür aser sempet angurtem angur.

Dimapur, Metsüremi/March 01 (TYO): Capital Convention Centre, Kohima nung February 28, 2026 nü "Women in Science: Catalysing Viksit Bharat" omen kübok state level National Science Day munga liasü.

C.V. Raman-i Raman Effect bushiteta akhum agüja National Science Day ya linük tesem ajunga nung amunger. Kasa anogo Nagaland nung Nagaland Science Mission kübok mezüng buba Nagaland Science & Technology Award Ceremony ayongzüka liasü, koba state nung science and technology development jenjang ajungkettsü atema Department of Science & Technology, Government of Nagaland ajanga iba inyakyim ya FY 2024-25 nung tenzüka liasü.

Principal Secretary, I. Himato Zhimomi, Department of Science & Technology ajanga iba sentong ayongzüka nükjidong rateta jembidang, awards ya science aser technology nung mezüngpur state sorkari tushia amshiba mezüngbuba alitsü ta metetdaksü aser Chief Minister-i iba mission yariba atema pelaba lemsatapa liasü.

Iba ama inyakyim ya ajanga linük ya Viksit Bharat akumtsü asoshi tongtipang shilem agitsü ta pai ashi.

Tanü alima nung resources peria maliba mechi kanga toktepa asenoki angur, aser alima nung trade war aliba ya talisa science aser technology dak sendakba tuluba lir, ta pai ashi.

Nagaland nung mapa mangur lanurtem timba akumba aser küm shia graduate asür aika aliba athishia, science stream nung maongka tajungba angutsü aser

tarutsü nung mapa mangu malitsü südi, ta Zhimomi-i ashi.

Lokti kaji science aser technology nung amendaktsüla ta pai ashi aser China tatishitsü bener arua, iba linük ya science aser technology nung rongsen kanga sashia indoka tejakleni ogo ta ashi.

Nagaland lenmang tejangja nungdaker aser dangar sülen malitsüla. State telungzük nung inyakerkem scientific aser technology amshitetsüla aser employment atema danga leni aortem item wadang nung takotet asütsüla, ta ashi.

Lanurtem, talisa tetsürtem teyari nung Viksit Bharat asoshi Nagaland-i mera tajung agitsü aser asen state ya India nung tanungba states tem den sako akumtsü imlar, ta Zhimomi-i ashi.

Iba anogomung nung shilem ka ama Nagaland Science Mission kübok sempet tem agüja liasü. Mezüngbuba Girl Child Award 2025 ya Government High School, Longjang nungi Sashimongla I. Longkumer nem agütsü, shibai Government Schools category kübok ELSE 2025 nung Science aser Mathematics nung marks shilem 98 ngua liasü. Iba award nungya kulizüng kaket ka den senpet sen 20,000 dena lir.

Research Grants for Indigenous Nagas of Nagaland 2025 kübok R&D project pezü mapa kuma inyaksü mela (2025-2027) aser project shia sen 5 lakh angutsü. Iba award angur ya Dr. Visesato Mor (NIST, Kohima) - Nagaland nung mezüngbuba Galleria mellonella facility for pathogenicity and drug discovery studies amenoktsü atema.

Dr. Samadanga Ao (Kohima

Science College, Jotsoma) - optimizing the jhum agro-ecosystem nung research atema.

Dr. Limamanen Phom (Sao Chang College, Tuensang) - ichthyofaunal diversity and ecology of selected rivers in Noklak district nung study atema.

Thsope Medo (Nagaland Science & Technology Council, Kohima) - Tree Diversity Mapping and Landscape Assessment of the Japfu Range nung pilot study atema.

Outstanding Achievement in Science & Technology 2025 award ya Dr. (Prof. Rtd.) Sapu Changkija aser Dr. Vinotsole Khamo (Dr. Tina) nem agütsü, kong sen 1 lakh lir. Changkija-i ethnobotany and sustainable farming systems nung shilem tajung agiba aser Dr. Khamo-i Nagaland nung clinical research and medical science facilities tejakleni bener aoba atema iba sempet ya agüja liasü.

Young Scientist Award 2025 ya Dr. Imlisongla Aier nem agütsü, shiba IIT Delhi nungi Ph.D degree ngua lir aser lai clean energy, indoor air quality aser environmental health asoshi inyaka liasü. Iba award nung kulizüng kaket ka den sen 1 lakh dena lir.

Iba sentong nung Zeneikhonuo Vimero, Joint Secretary and Ex-Officio Director, Department of Science & Technology ajanga pela agizükba o jembi aser sempet angurtemia o tatsütsü jembia liasü. PM Shri Government High School, Thahekhü nungi kaketshir temi science drama kati shilem agi aser Kekuneil Ltu-i melepzüng o jembi, kong Asano Zashu sentong anir liasü.

Yingli Govt. College nung Viksit Bharat Youth Parliament ayongzüka



Dimapur, Metsüremi/March 01 (TYO): Yingli Government College, Longleng indang NSS Wing ajanga "50 Years of Emergency: Lessons for Indian democracy" omen nung ajemdaker District-Level Viksit Bharat Youth Parliament - 2026 sentong ka February 27, 2026 nü ayongzüka liasü.

Iba sentong nung Longleng district nungi kaketshir 8-i

elocution tetoktepa nung shilem agia liasü.

Iba tetoktepa nung Hentong-i mezüngbuba, Rozichem-i tanabuba aser Chuthai L. Phom-i tasembuba jenjang nguteta liasü.

Sentong nung Imkongnukla Ao, EAC, Longleng HQ., Hitesh Kumar, District Youth Officer aser Imlichuba Phom, NYV, Longleng nungertem dena

sentong meraketdaksü.

Dr. T.Temsu Imti, Principal, Yingli Govt. College ajanga pela agizükba o jembi aser Dr. Mahabir Jha, Associate Professor ajanga iba sentong ayongzüka nükjidong lemsatapa liasü.

Sentong tembanga Vice-Principal Dr. B. Henshet Phom-i melepzüng o jembi, kong kaketshir aser NSS Volunteers 205 dak tema dena liasü.

Seicierü ayongnung jana mürekba mapainyak

Dimapur, Metsüremi/March 01 (TYO): Libajen temürekba aser tajungba kumdaktsütsü meranga Nagaland Pollution Control Board ajanga Kohima District Administration, Kohima Municipal Council, ward councillors aser colony ketdangsürtem den lungjemer Seicierü ayong aser temalen Mass Drainage Cleanliness Drive sentong ka February 28, 2026 nü ayongzüka liasü.

Iba sentong tenzükdang Deputy Commissioner, Kohima, B. Henok Buchem, NCS-i o tatsüka jembiba mapang, Nagaland Pollution Control Board (NPCB) ajanga asükdangba sülen district ketdangsür temi telangzüba tajung agüja liasü ta ashi.

Teamwork aser nüburtem lungjemer shilem agiba ajanga dang iba amala mapa nung takok angutsü, ta pai ashi.

Nüburtemi septic soak pits kanga bulua amshiba indang tebilemstü pai lemsatap aser Kohima ya high-risk seismic zone nung lir ta shia liasü.

Soak pits yagi ali raksatsür aser ki o jen tamendak dak tashi mait kumdaktsür aser kasa mapang kilentzü aoba lenmang nung jana indokba ya libajen aser temang asoshi timtem tulu lir, anungji nüburtemi cesspool services

shidak amshtsüla, ta ashi. Kohima-i arur temi mopung aser tzü ajungba indang lemsataper, saka aiben jila indang sanitation aser mürekmeju nung temulung masüba indanga ashir, ta Buchem-i ashi.

Pai nüburtem dang libajen müreka ayutsü ayongzüka aser KMC councillors dang Kohima nung drainage system tajungba akumtsü asoshi master plan ka yanglutsü ajungshia liasü.

NPCB Scientist, Yanathung Kithan-i sentong nung jembidang, iba ayong mürekba mapa ya kanga tasak, saka nisung teka medeni jana bendena aliba pasasa mesamatsü, ta ashi.

Polluter Pays Principle kübok state sorkar dang senchi sen 200 crore chiogo aser iba ken o tang NGT court nung lir, ta ashi.

Pai nüburtem dang saksalemstü ayongzüka aser region nung mopung aser tzü mejungi akumba melenshitsu asoshi pei mapa ama inyaksü ajungmesoa liasü.

KMC indang CEO Zapuno Sophie, KMC councillors, administrative officers, IPR ketdangsür, colony nung lenirtem, Officer Hill Colony, Para Medical/ Merhülietsa Colony, Supply Colony, Lower Jail Colony, aser Lower PR Hill Colony nung alirtem iba sentong nung shilem agia liasü.

Samar aliba ango apur tasü mang Doyang ayongnung ngutet



Dimapur, Metsüremi/March 01 (TYO): Teti yimya ka ama New Riphym nungi ango apui aoba tasü mang kanga meranga bushir Deobarnü Wokha district kübok Doyang ayongnung ngutetog.

Nisungba ya Ezanthing Odyuo ta jangjaogo aser pa February 26 nü ayongnung arakseta asü südi ta temulung melemi lir.

Tasüngji nisung kari pa indang 'safety tube' tzüma nung pongdaka anguba sülen iba tatalokba temai adok.

Pa teti ango pua jajaba lenmang nung pa tasü mang bushia liasü aser iba mapang pa indang fishing nets aser süoshi ayongkung nung ngutet.

Pa kong aliar mejangjatetba yong yimdaklir temi February 28 nü district administration nem osang agütsü aser iba sülen State Disaster Response Force (SDRF) nungi telok ka yoka liasü.

District Disaster Management Authority (DDMA), Wokha nungi osang aruba sülen Platoon Commander Mhonyamo Humtsoe-i anir SDRF team-i anepdang 10:00 ako meta nung search operations ya tenzüka.

Ajisüaka tenük kuli maliba aser tesem uluraba mechi nikongdang iba maparen anena ata.

Deobarnü (March 1, 2026) SDRF den National Disaster

Response Force (NDRF) dener joint search operation ya anepdang 8:00 ako meta tenzüka liasü.

Ghonda tenet jungnüa parnoki tanen makai bushiba sülen tasü mang ya nikongdang 3:00 ako meta ayongnung telung nung long tsüngta aliba ngutet.

Ozüng agi melaba maparen inyaksü atema tasü mang ya police nem agütsü aser iba sülen kinunger aser putu menden lenirtem nem iba tesem nung amokja liasü.

Iba operation mapang Deputy Commandant A Boboi-i aniba NDRF team-i yimya balala amshia liasü.


Asür Ezanthing Odyuo ya kibong makum aser ango pua pa takum mesüa liasü. Pa ango apuba mapang stroke süa alitsü südi ta yimdaklir temi temulung melemi bilener, kechiaser pa taoba mapang mild stroke asüba otsü lir.

Iba search operation nungya police, DDMA ketdangsür aser New Riphym, Old Riphym aser Thillong yimtsüngtem nungi lenirtemia yaritepa liasü.

URGENT SALE

Maruti Van
Model - 2016
Colour - Blue
Prixe - Rs. 1,70,000/-
Contact No. 9862387389

Maoists lenir Vikas den züngsem 14 bendanga agütsüogo



New Delhi, Metsüremi/ March 1 (Agencies): Maoists lenir Vikas densema Maoists züngsem terpongu Deobarnü Chhattisgarh kübok Mahasamund district nung bendanga agütsüogo. Parnok ajak senteper senper sen lakh 73 agütsütsü nangzüker liasü, ta police ketdangsürtemi metetdaksü.

Bendanga agütsürtem rongnung Communist Party of India indang Balangir-Bargarh-Mahasamund division nungi tetsür teku densema liasü.

Parnoki prangbong injang aser hadirtem ya Mahasamund district headquarters nung Chhattisgarh Additional Director General of Police Vivekanand Sinha, Inspector General of Police Sambalpur, Himanshu Lal, IGP Amresh Mishra aser tanga

ketdangsürtem matsügang bendanga agüja liasü. Item züngsem 15 bendanga agütsüba sülen Odisha State Committee of Maoists western sub-zone ajunga atongsaogo, ta ADGP Sinha-i ashi. Odisha State Committee aser BBM division ya 2010 küm sülen tenteta liasü.

Police ketdangsürtemi ashiba agi, Mahasamund nung amenoka aliba BBM divisional committee züngsemtem dang Akashvani broadcasts, banners, posters aser pamphlets densema lenla balala ajanga bendanga agütsütsü mepeshia aruogo.

Parnok bendanga agütsüdaktsütsü atema state sorkar indang rehabilitation policy balala-a takok tashi prokshia liasü, ta parnoki ashi. Maoist pur ideology mejangjai akümba aser arem

nung kanga timtema aliba aser pei kibongtem nungi mapang talangka pilar aliba ajanga item nisungtem yagi bendanga agütsü. Maneni parnok ya bendanga agütsür aliba Maoists züngsetemia ajungmesoa liasü, ta ketdangsürtemi sa metetdaksü.

Bendanga agütsürtem rongnung Vikas den Jangu, Babanna, Rajanna aser Muppidi Sambaiah nungera densema liasü.

Bendanga agütsürtem rongnung ano Neela, Sonu, Reena, Dinesh, Deepna aser Ranila nunger ya taoba mapang central committee züngsem Jairam tanüker liasü, shiba January ita tepsetogo.

Parnoki AK-47 rifles asem, SLR rifles, ana, INSAS rifles ana, .303 rifles pezü aser 12-bore guns asem bendanga agütsüogo.

West Bengal nung Electoral Roll sangdongogo

Kolkata, Metsüremi/ March 1 (Agencies): West Bengal nung Special Intensive Revision (SIR) sülen sangdongba tatembangbuba electoral roll nung voter lakh 61 shi adjudication kübok toktsüogo aser judicial review atema yokogo.

SIR tenzüka mapang voter ajak agi 7,66,37,529 liasü. Draft roll nung voter 7,08,16,630 dang kümogo aser iba ajanga draft stage nung tenüing lakh 58 shi samatokba sayur.

ECI data ajanga Murshidabad Maldah, North 24 pargana, South 24 pargana aser North Dinajpur nung logical discrepancy timtiba aliba sayuogo.

Kasa mapang nung voter 1,82,036 Forms 6 aser 6A ajanga bendenlokogo aser voter 6,671 Form 8 ajanga bendenlokogo.

Ken o 60,06,675 (lakh 61 shi) "logical discrepancy" küboki idaktsüogo aser

adjudication atema yokogo. Voter bendenlokba aser entokba sülen vote ya draft list dang nungi 3,57,446 agi tajemba kümogo.

Chief Electoral Officer Manoj Kumar Agarwal-i ashiba agi, iba ya tang atemabo tatembangbuba roll asütsü, saka logical discrepancies dak sendakba nung ken o lakh 61 shi judicial officers temi asadangdar. Adjudication inyakyim sülen item tenüingtem ya supplementary list tem ajanga bendenloktsü mesüra teti atema entoktsü.

Mongintemi ashiba agi, voter lakh 61 tia mejangja lir aser iba ajanga taruba election nung kongshitsü akok.

Chief Minister Mamata Banerjee indang constituency Bhabanipur nung voter 47,129 entokogo aser logical discrepancy kübok ken o 14,000 shi lir.

Opposition lenir Suvendu Adhikari indang constituency nung voter tenüing 11,000 shi

entokogo.

Naihati nung Ward No. 4 nungi Trinamool Congress councillor, Sushanta Sarkar aser tetsü Arati Sarkar na published roll nungi entoker aliba sülen mepetmesü adoka liasü.

Osang ajangsa, Bongaon tesem nung Matua voter tem aika tenüing entoktsüogo, ta metetdaksü.

Adhikari-i, iba inyakyim agi kongshir aliba kibongtem dang parnok tenüing meyipa bener arutsü ta tenangzüka agütsüogo. Pai ashiba agi, Hindu nunger refugees 90,000 nem lisopur jenjang agütsütsü imlar aser iba sülen parnok ya vote agütsütsü atema temsüa akümtsü. Pai ashiba agi, applicants 91,000-i Citizenship Amendment Act (CAA) kübok lisopur jenjang atema apply süogo aser application 200-300 magizük.

Ken o lakh 61 shi mebenetet asünung voters list nung temelenshi adoktsü imlar.

CBSE-i March 2 nü agitsü aliba tatidang thinentsüogo

New Delhi, Metsüremi/ March 1 (Agencies): Central Board of Secondary Education (CBSE)-i sangdong ka ajanga March ana nü agitsü aliba Class 10 aser Class 12 board tatidang thinentsüba sangdongogo. U.S. aser Israeli nati Iran maka parnok lenir Ayatollah Ali Khamenei tepsetba aser Iran-a meyiper kidanger linüktem amak tenzüka sülen anüolen aliba Asia linüktem nung iba tatidang ya thinenja liasü.

CBSE-i sangdong ka ajanga, March 2 nü agitsü aliba Class X aser Class XII tatidang ya thinentsüogo aser tatidang agitsüba anogo mapang tatsüka lir sangdongtsü, ta metetdaksü.

Iba osang ya Bahrain, Iran, Kuwait, Oman, Qatar, Saudi Arabia aser United Arab Emirates (UAE) nung CBSE nung züngoksema aliba school 150 dak tema indang principal tem nem metetdaksüogo.

"Board-i Mongolbarnü tensa asadangtsü aser March

5 nü agitsü aliba tatidangtem dak sendakba nung telemetba ka agitsü," ta kasa sangdong nung shia lir.

"Osang tejangjaba agitsü atema kaketshirtem dang pei school den tongtepratepa alitsü aser ketdangsürtemi osang agütsüba sülen tashi anga anidaktsü ajungshir," ta CBSE controller of examinations Sanyam Bhardwaj-i metetdaksüba osang nung shia lir.

Anüolen aliba Asia linüktem nung ya bendanglen CBSE school timtiba lir aser Dubai, Abu Dhabi, Doha aser Riyadh nunger ya tatidang agiba tongtibang tesemtem lir.

Class 10 aser 12 board tatidang ya February 18 nü tenzükogo. Class 10 nung kaketshir million 2.51 aser class 12 nung kaketshir million 1.86 ta ajak senteper kaketshir million 4.37 dak tema India aser bendanglen tatidang agütsüdar.

Asia anüolen sabang aliba India nungertem anir arutsü inyaktepdar: Joshi



New Delhi, Metsüremi/ March 1 (Agencies): Union Minister Pralhad Joshi-i Deobarnü ashiba agi, Middle East nung tang linük balala nung rara tenzüker aliba nungi India nungertem anir arutsü atema takok tashi jenjang agidar, ta ashiba den tensa kanga mejungi lir ta shisem.

Chikkamagaluru kübok Rambhapuri Mutt nung osangbenertem den sensaksemba mapang Joshi-i ashiba agi, pai New Delhi nung ken o dak sendaka aliba ketdangsürtem den ken o ya benoka sensak asemtsü.

"Middle East nung tensa ya kaga tamajung lir. Kannada nungertem taolen makai sabang lir ta ni angashiogo," ta Joshi-i ashi.

Taoba mapang linük balala nungi India nungertem anir aruba indang jembiba mapang Minister yagi, "asenoki taoba mapanga raraba tesemtem nungi ajak kümzüker anir aruogo," ta ashi. Paisa, Middle East nung tensa ya kanga mesüingjemi lir ta tekümdangtsü

metetdaksüogo. "Tanga tensa kanga mejungi lir aser tayimtsü ka anir aotsüa kanga lendong lir," ta Joshi-i ashi.

"Onoki India nungertem anir arutsü atema tanen makai inyakdar," ta Union Minister yagi ashiba den "JD(S) MLC Bhoje Gowda shiba par kibong den Dubai nung taolen makai lir aser pa den aliba passenger tem ajak teküzmükba kübok anir arutsü," ta shisem.

Kasa mapang nung US aser Israel nati Iran amakba sülen Amritsar airport nung tayimtsü inyaksangshi nung tetsükdaktsü adokogo, ta ketdangsürtemi Deobarnü metetdaksü.

Amritsar Airport Director Bhupinder Singh-i ashiba agi, Dubai aotsü aliba SpiceJet tayimtsü ka densema tayimtsü pongu dak kongshiogo.

Maneni iba mepetmesü ajanga Pune indang Indira School of Business Studies (ISBS) nungi kaketshir 84 Dubai nung taolen makai sabanger lir ta osang angazükogo.

- ALI AYOKER -

* Prime land for Urgent Sale ! * Naga united village
 * 70,000 sq. ft. * Plain stable high land
 With concrete boundary walls and natural drainage.
 * Near the main road * Any plot size available
 @ 430/- sq. ft (Negotiable & No broker)
 Contact : 7628822085 / 9366156425



TIR YIMYIM YIMOBILEM (EDITRIAL)

DIMAPUR MONDAY, FEBRUARY (METSUREMI) 02, 2026

Persia yimli amaker

Taoba ita ti tsüngda, tang agi tanabenbuba Israel aser United States na lungjemer Iran lima, koba dang akhi tejen putu nungbo Persia ta jaya liasü, iba yimli anema kanga tesashiba nung amak tenzükogo. Atangji, jungjunga bilemdangra, Israel aser US nati Iran amakba ya United Nations temzüng ozüng anema lir, kechiyong linük kati linük ka anema amaktsübaji UN Security Council temelaba nungdaker. Ajisüaka, alima nung linük shia pei taginüba, tejangraba aser nükjidong balala lir, anungji pei nükjidong ataloknü dang pei linük nung nübortem rongnung rongrong aser alima nung rara adokdaksür aser lokti nung takar tulur anemabo ola madoktet ama, US aser Russia ama takar aser tashi tait linüktem anemabo UN-ia ola madokteter. Ibayongji, tanübo UN ya tepu maketba shiruru amai ka dang kümogo. Ano, metenser Donald Trump, US tir kümer külenbo US-i UN maparen tongtibang aika nung shilem magitsü lemtetba ajanga UN kanga tashimait kümogo. Iba ama mapang ka nung, Israel aser US na lungjemer Iran nung yimten yimsüsür aser ketdangser tongtitem, Ayatollah Ali Khamenei dena khen nung parnok 40 tama pokseta sūdaksütsüsa amakba mapa yagi parnok dang masü saka asenok dena alima ajak khenbo takoksa aser timtem ajurutsü. Atangji, Israel aser US nati Iran amakba kuliji, parnoki alima ajunga raksatsütsüsa nuclear bomb amshia Israel aser America lima mamakdang, tamasa parnokji makdoksü nungdaker ta metetdakja lir. Ajia tamangtsü lir, kechiyong Iran nung tematiba yimsüsür (Supreme Leader) Ayatollah Ali Khamenei yagi alima ajunga ya Muslim nung meyong asütsü meranger aser kiralongrar Hamas aser Hezbollah nung ama amshia Israel aser America nung makdaksür aser parnoki nuclear bomb-a yanglur ta temulung meleme bilemer. Ano, tangatetsü kaji, Muslim-sa asüyonga parnoka telok ana lir, kaji Sunni aser kaji Shia Muslim. Sunni telok yagi parnok tamangba yimsü nung tongti lenir shimdang parnoki külemba ainker Mumammad-i sayuba ama litetba tatishitsü tajung aketba nisung shimtsüla ta asüba tangatetba nung shimer, saka Shia telok yagibo ainker Muhammad Ali dak nungi jakzükba nisungang agitsüla ta asüba tangatetba nung shimer. Aji oda, Iran tongti lenir Ayatollah Ali Khamenei ya Shia Muslim ka liasü. Pai Iran nung, talisa, tetsürtem sü agi tokolak dang masü saka tenük dak alaka tejak aser temang ajak nembanga sübor dang kima yimdong nung senzütsü sayuba tamangba yimsü nung kanga akanga amang. Anungji, 1979 nungi küm 47 tashi pa yimsüsüba mapang lranstsür kari danga la tejak aser temang nembanga sü koba dang 'hijab' ta ajar, iba sü jagi menembang sür tejak aser tetsüng ajunga sayua kima yimdong nung senzürä laji pua tepuokdak ayu aser tasüba temerenshi agütsü. Ibaji dang masü saka Iran nung nisung kari danga yimten anema jembira aser zülura, parnok nemjia tasüba temerenshi agütsü. Iba amaji taoba küm 40 dak tali Iran nung pei tebilemba jembitsüa mejembitet aser süoshia pei aginütsü magitet Muhammad Ali Khamenei yimsüsüba kübok Shia ozüng nung alener lia aru. Aji oda temeimsüka aser tapayutsüka, talisa lanurtemi iba ama yimten aser tamangba yimsü agi alener ayuba ozüngtem anema longkak aiteritem aika Iran sepaitemi khaseta endokogo. Itemji kodang bilemdangdir, Israel aser US na lungjemer Iran amakbaji, Donald Trump-i ashiba ama, Iran nung aika asoshi nüchiso angur amai asütsü. Ajisüaka, Iran nung Islamic Revolutionary Guards Corp (IRGC) tashi amshia Shia teloki yimsü asüba yimlijji kanga melaabo Israel aser UN nati majungdoktetsü, anungji iba rara ya kopiga aotsüar memetet. Ajisüaka, Israel aser US na nükjidongbo tesadang ka dang nungi tuluba tongogo, kechiyong Ayatollah Ali Khamenei süogo aser Iran meyong nuclear bomb yanglutsüba tesem ajak poksatsüogo aser ano kodang Iran nung yimten yimli tasen ka parnok teyari agia melendir, Iran nungi adokba totzü ajakji US aser Israel meyong rongsen akümstsü. Atangji, ibai tema nungibo Iran lenir Ayatollah Ali Khamenei anema rarar amato saka ibai China aser Russia anema aser Iran nung aliba ali rongsen madak kibur akümstsü asoshi lir. Atangji, Israel aser US nati tongpangbo akoktsü saka Persia yimli agitsüba rarabo talangka raratsüa akok.

OLEMSABANG

KÜ DANG KIBUBA, KIBUBA TAAJAR AJAK KODAK YIMLI AITSÜ MAKOK

~ L. Kika Pongener.

Tsüngrem tenzük aser tamanger ajakbo kodaki maotsü sudi. Ashiko, teshimtet kar dang aotsü sudi....Kechiyong temeshipura anarongdena dang kümzüksü ta laishiba ashir. Reverend, Missionary, Pastor, Evangelist, Counsellor, Deacon aser tamanger ajak kodaki aotsü asü maotsü (?) Ajibo Tsüngrem tena yongtsü nung dang bendangtsü; kechiyong kodaki aotsüba lenmangji kanga temesu aser tasak; saka molumi leni aotsüba lenmangjibo sadem-sademer ta shia lir. "Sungkümbong temesuba jagi yiang, kechiaser tesamadaki aniba sungkümbongji sadem-sademer; aser iba lenmang jagi ayir aika. Saka taküm leni aniba sungkümbongji temesu aser lenmangji tasak, ibajagi yiteter ishika dang" (Mathi-7:13-14). Shirnoki tatem tashi arema amangdir parnokji dang kodak yimli jagi aitsü. Anungji ashiko, Tsüngrem tenzük aser tamanger ajakbo kodaki maotsü sudi.

Tanü putu nung ochi aser shitak dang inyaka lidi ta asünungpo libalirutsü kanga tasak; kechiyong kodang ochi/shitak dang inyaka lidi ta sudir...Techinutsü machitsü, tejemnutsü majemtsü, tounuleni maotsü, teinyaknuba meinyaktsü aser tejembinutsü sadem-sadema mejembitsü. Tanü putu nung meshitakba to-ang shitak aser ochimashi mapatem to-ang ochi mapa ta meyiptepogo. Yongji, ochimashir takar küma lokti ajunga nung tongtipang lennir akümer; aser ochishirbo kinuklen agiena ayuba putu ka kümogo. Tanü asen lima ya ochishir sempaba aser ochimashir takartem aser tulurtem akümstsüba tushiba lima kümogo. Ibajagi yimsusur, lokti lennir aser Tsüngrem tenzük-ia dena ochimashi inyaka takar akümstsü merangteper. Tanü asen lima nung prangpong-injang hadir bener rakzükraakter/ashi-ayur; pen ammer ayur; laishiba ammer auya-a takar akümer jenti kümogo. Tsüngrem o-i ashir...."Takar-i Tsüngrem yimli-i aitsüba dang nungibo ajem ki ateta Ut aotsü temelaba" (Mark-10:25)

Laishiba nung züngdangra....Shirnoki Yisu Khrista aser osangtajung atema tani-tebelem, timtem, toudi, mezüngmeshi, tatala, sensa-masa, reshikangshi; itemji ajuruaka metsübui, tasü-ita Yisu Khrista indang küli asür, parnokji dang kodak yimli jagi ayitsü....ta shia lir. "Shir temeshiba inyakba asoshi reshikangshir parnok temoatsüba; Kechiaser kodak yimli parnok meyong. Kodang nisungtemi ni asoshi nenok mezüngmeshia arrtsüdir aser nenok reshikangshidir, aser nenok anema tiyazü agi tamajung ajak jembidir, idangji nenok temoatsüba. Temulong chiang aser kanga pelang, kechiaser kodak nung nenok sempetji tulu lir" (Mathi-5:10-12). Ano shinoki taküm nung timtem tuoshi, makamait, sensak tia, item ajungaji aremzüka ochishia amangteter parnok jagi dang kodak yimli jagi yitetsü....Parnok jagi dang teti taküm senmangji amangtetsü. Tanü alima tesem aika nung Tsüngrem tenzük aser tamanger reshikangshiba, tepsetba, tenlaki amakba tatalokbatem anogo shia Social Media nung angur. Iba ama tia nung liaka....Tamanger aikati tasü-ita Yisu Khrista indang küli asüba angudang parnok nungi lesson tajung agir.

Asen lima nungbo tang tashibo reshikangshiba kecha mali; sadem-sadema amangtsü akoker. Arogo aika nung tenzük nem itasen tulu agutsür, ki tajung nung lidaktsür, nungdakba (Facilities) teperi agutsür....Yamaji jangradema tenzük-aka arogo nung tenzük aikati timtem tilaka maremteter; nungsen tilaka maremer; metongshitsüba maginur; tila mekümteter, anibeleva kipoksem moonur. Arunachal aser Zeme lima nung tenzük-aka repringdangra; arem min nung; mile aika tetsüng agi jaja-a timtema tenzükba angur....Saka asen lima nungbo tetsüng agibosa mejajar....Arogo aika arogo meyong Gari yur Gari nung ayung-ayunga senzür.

(Maneni asüng adok nung...)

**Iba Olemsabang nung lemsaba ken-o aser shisatsü ya iba ocet züluri
bilemba ken-o ama tazünger angateta agitsü mepishir**

Pope Leo shimba mapang cardinal ka memelaba phone bena liasü



Sistine Chapel nung cardinals tem May 7, 2025 nü mungdang tenzüksü lia tangokba noksa nung angur.

Vatican City, Metsüremi/ March 01 (Agencies): Taoba küm May ita Catholic arogo nung tekolakba Pope Leo shimba senden nung shilem agir cardinals 133 nungi ka ket nung cellphone bena aliba nguteta iba sentong khen anentsüsa akum ta Deobarnü sayaba kakat ka nung ashi.

Temalen nungi osangtsüsang agitepba nokdangtsü mechi 'jamming equipment' inoka aliba Sistine Chapel, Vatican telung nung putirtem mezüng vote agütsütsü renemtepba mapang security ketdangtsü temi iba tekülem ki telung nung active mobile connection aliba signal ngutet.

Cardinals tem kati ka dak mamangi nüngnüngtepba mapang putir tain ka indang pocket nung phone ka aliba nguteta agütsü, ta mapang talangba Vatican correspondents inyaka alir anati züluba kakat tasen "The Election of Pope Leo XIV" nung shia liasü.

Kakat nungya cardinal tenüng mashi mesüra pai pa indang phone ayutsü tebilemba aliba indang mashi saka iba yagi pa mangmanga tekolok tsükdaktsü ta kakat nung ashi.

Iba scene ya film ka asoshia

bilemdangtsü makok aser puti otsü nung kodanga mongudangba ka liasü, ta kakat zülur Gerard O'Connell aser Elisabetta Pique nati ashi.

Iba ama senden nung shilem agiba putir temi tekülem ki alema oa osangtsüsang magütsü nangzüker aser pei indang phones aser osangtsüsang agitepba oset ajak iba senden tepiyong asosh pei sasa agütsür, koba anogo telatet ka makai amener.

Kakat tasenba nung ashiba indang Vatican press office dang asüngdang, saka telangzüba magütsü, kong kangasa miimshia elections agiba indang 'behind-the-scenes' tejangja agütsür.

Catholic nungger züngsem 1.4 billion küm 12 tashi ania arur April ita asüsang Pope Francis melenshi shimba alima rangbeni rangloka aliba anogo ana senden ya May 7-8 nung agia liasü.

Mezüngbo putir tasenba ya Asia mesüra Africa nungi shimtsü südi ta bilema liasü, kechiaser iba sentong nung linük 70 nungi putirtemi shilem agi.

Ajsüaka item regions nungi candidate katiya teyari peria mangu, ta kakat nung ashi, kong shilem agiba putirtem den sensaksemba nungi osang anguba nung ajemdaker tang

mezüngbuba cardinals temi vote agütsüba osang tejangja adoktsür.

Pope inyaktü alisang nungi temelaba makai cardinals temi secret ballot indang osang tejangja temai adoktsütsü khenyongi memelar, ajsüaka iba sülen meilongi osangbener temi mesüshia osangtem bendener.

Iba mungdang nung pope inyaktü atema candidates ana adok, ta kakat nung ashi.

Kaji Italian Cardinal Pietro Parolin liasü, shiba mapang talangka Vatican nung ketdangtsü mapa inyaka arua liasü, aser aikati pa shimtsü ama bilema liasü. Aser kaji US Cardinal Robert Prevost liasü, shiba nisung aikatibo mejangja liasü saka pa Pope Leo akum, koba US nungi putir mezüngbuba alitsü.

Iba mungdang tenzüker mezüng vote ya May 7 nikongdang agia liasü, aser iba mapang Prevost yabo votes 20-30 tsüngta ngur liasü, ta kakat nung ashi.

Philippine Cardinal Luis Antonio Tagle ya takok angutsü ama election nung toktep, saka pai vote 10-a mongutet.

May 7 nikongdang ballot pezü buba nung Prevost-i vites 108 nguteta liasü.

ANOGO ABEN TSÜNGREM DEN

Arung aser Ajiang

Aser parnoki pa dang ashi, Rabi... pai parnok dang ashi, Arung, aser nenoki angutsü. Anungji parnok aru aser Pa kechi nung ali angu aser panüji parnok Pa den ali. Yohan 1:38b-39

Asenok ajak dangi Khristan aini aoba otsü dang mejembitsü mapang ka arutsü. Iba indang dang jembiba jagi meperir. Asenoki aotsü apusotsüla! Khristan taküm nung sendakba indang asenoki ghonda aika agia jembitsü akok, saka asenoki shidakba Khrista sülen anidaktsü mapusora mapang intoka Khristan taküm nung sendakba indang dang jembiba jagi kecha masütsü!

Putu aika, Messia arutsü shisadanga liasü aser Israel kin ajanga shin. Yihuda nungger rongnung Messia mapa yimya indang jembiba dang nungi tanga onük tali mejembi alitsü. Andiriai Yohan Baptistsüba nungi Messia arutsü indang angashi. Tang aoksa Pa ngunüa aliba nisung den tejak o tejak na chitepa angu! Andriai asüngdangnüa aliba asüngdangtsü Pa mulung dangi aru. Andria den theological topic jembitsü melen Yisui meyipa aotsü tenzüker. Andriai asüngdangbaji O kisüng agi melangzütsü, saka len jajaba ajanga.

Khristan yimsüji angatetsü asoshi renema yuja aliba ka masü. Ibai nübu ka sülen anidakba lir. Yisui den jajadang Andriai Yisui shiranger anebtsüba, Tsüngremer shisatsü sayuba aser Tsüngrem ain sayuba Andriai angu. Andriai Tsüngrem indang dang angazük masü shidakba nung Pai Pa metetta aküm! Lemjem nung na ne Kibur den noktaksü mapang arutsü. Tasüngdangba ajak kazüdang nungi, Yisui ne dang ashi, "Ne tsüngsem semokang, leman jagi atokang aser Kü sülen anidakang." Na anogo shia Yisui den jajadang, Yisui ne tasüngdangbatem langzütsü aser nai asüngdangtsü metetta aliba dang nungi timba nai angutsü.

Odisha nung tamanger asem tepsetba ya yimsü mechi masü: Police

Bhubaneswar, Metsüremi/ March 01 (TYO): India anüdoklen Odisha state nung Khristan yimsü agizüker nisung asem lepseter ita ka dak tema lir police temi nisung asem tepsetba ya ali ka nung mangatettep aliba dak sendakba lir ta ashir, ajsüaka kinunger aser rights groups temibo parnok tawa tamangba yimsü melenba dak sendaka lir ta ashir.

Asürtem ya Jitendra Soren, pa kinungtsü Malati Soren aser tena jala arishi küm 15 tain ka lir, aser parnok ya January 25, 2026 nü Keonjhar district kübok Nialijharan yimtsüng nung parnok kidang lia lendong ya atalok, ta United Kingdom nung amenoka aliba advocacy group Christian Solidarity

Worldwide ajanga ashir.

CSW ajanga ashiba agi, iba anogo par kibong ya Pentecostal sarasadem sentong ka nungi dener kidanger meyipa shilanger liasü. Kinungertem Jitendra Soren'er kidangi aru aser apuani yagi arasenba mapa inyaker ta tai tongloktsü aser parnok tekülem sentong nung adenba ajanga kinunger ka shidangdaksü ta ashi.

Jitendra Soren-i item tai tongloktsüba magizük aser ali nung melangket. Parnok kanga sashia asatepba mapang jala ya tebu kumzüksü atema aru aser la dak pu agi mechia la asü.

Iba mapang Malati Soren ya lar jala kumzüksü merandang tepset aser Jitendra Soren ya

jena aotsü merangba mapang tepset.

Iba dak sendakba nung police temi temulung melemi alir nisung asem apu aser kinunger tsüngta mapang talangka nungi ali mechi mangatettep aliba ajanga iba lendong ya ajuru ta tai tongloktsü.

Temulung melemi apurtem ya Laxman Soren, Baidyanath Soren aser Sudam Soren liasü.

Tasüngji police tem iba tesem tonga aru aser tasümgang ya post-mortem examination atema Anandapur sub-divisional hospital dangi yok aser iba sülen kinunger nem agütsü, ta Catholic Connect ajanga ashi.

Jitendra Soren aser Malati

Soren na jala tanutsüla ya iba lendong ya tenük agi ngur jena ao aser jala tantsüla kibong kumer aliba aser jabaso ka dangalen school zünga aliba takum mesamatsü.

Jitendra Soren aser Malati Soren na jabaso Suguda Soren-i CSW dang ashiba agi, küm ka shi tejakdang par tsürabor Khristan yimsü agizükba sülen tensa mejungi akum. Kinunger aser kidanger temi par kibongi yimtsüng-i tia tamajung aser tashidak bener arur ta tai tonglokja liasü, ta pai ashi.

Taoba küm iba yimtsüng nungi Khristan yimsü agizüker rongnung iba kibong ya tasembuba liasü, ta US nung aliba International Christian Concern ajanga ashi. Suguda

Soren-i ashiba agi, kinunger temi parnok dang tekülem kidangi maotsü mesüra tasüba ajurutsü ta hopta aika jembiba arua liasü.

Iba kibong nungi jala tantsüla, shiba Hindu yimsü amanger, lai FIR benoka bushisüngdang tenzüker. Bushisüngdangba nung Khristanpur anema inyakba indang kecha shia mali aser ken o ya kinunger tsüngta ali mechi mangatettep adokba ama züngshir.

Nialijharan yimtsüng ya küm ishika tejakdang Australian missionary Grham Staines aser par jabaso tem tepsetba kasa district nung lir, kong Khristanpur anema mapa tamajung inyakba otsü balala lir.

AO OSHI ANGAZÜKDAK:

TANÜ ANGAZÜKTSÜBA OJANG



Tzüyok

(v) yimkong ayongi ango apui aoba (community fishing)

* Tzüyok mapang apuba ango tuluba mendener tambusang nem agütsür.

Tzüzü

(n)tzü memolu (raw water)

* Akhi mapangbo nisung ajak tzüzü dang jema aru.

OLONG PAITEP # 7430

Grid for crossword puzzle #7430 with numbers 1-17.

TIPIEN

- 1. Nisung jenti - (5)
4. Tsük rudenba - (5)
6. Temzüng tesashi - (5)
8. S___i - (3)
9. Nisung rongnung telemasa - (3)
10. Anogoshi - (4)
12. Ajanga aor - (4)
13. Tsük rizüngdak - (3)
14. Tebang nungi adokba - (3)
16. Süngdong tatembangtiba - (5)
17. Meputep - (5)

LANGTSÜNGLEN

- 1. Tenük telong - (9)
2. Committee dang ajar - (5)
3. Yagi ki okdoker - (7)
5. Yim lenmang - (5)
7. Temoatsü keter meyipa aruba - (9)
11. Kanga junga menemba - (7)
12. Kenyongi majinü - (5)
13. Rong kanga tulu - (5)

OLONG PAITEP # 7429 TELANGZÜBA

TIPIEN :

- 1. Semtu, 3. Lepko, 5. Bilem, 8. Ulu, 10. Tsünpang, 11. Tesangwa, 13. Aoksa, 15. Putir, 16. Yipru.

LANGTSÜNGLEN :

- 1. Sayu, 2. Teb, 4. Kimong, 6. Lungkak, 7. Milak, 9. Zünga, 10. Temopu, 12. Walu, 14. Ali.

NAI-A YA METETTER



Tata Consultancy Services (TCS) ajanga 2026 global coding competition- TCS CodeVita ayongzüka agiba nung China nungi arishi küm 21 tain Zhou Jingkai-i tematiba jenjang takok nguogo.

Iba tetoktepba nung Chile nungi Vincente Opazo-i tanabuba aser Peru nungi Jorge Valdivia-i tasembuba jenjang takoktem angu.

Taküm tetoktepba nung nisung ajak agi 146,922 liasü aser iba ajanga "world's largest computer programming competition" indang Guinness World Record tasen ka yangluogo.

Assam nung lisopurtemi Tirap Autonomous Council meshir

Guwahati, March 1, 2026 (Agencies): Assam kübok Tinsukia district nung lisopur kin tii adenshir cultural workshop ka agiogo aser idangji parnoki külem maitzü kümzüka ayutsü akangshitepba den Tirap Autonomous Council tentettsü takhangba agütsüogo.

Margherita nung February 23 nungi 26 tashi Tinsukia, Charaideo, Golaghat aser Lakhimpur district tem nung workshop balala agir Prasanna Turung Tribal Rest House, Margherita nung tembang.

Iba sentong ya Singpho, Sema, Tangsa aser Man Tai Speaking Development

Council-i Directorate of Tribal Affairs (Plains) GoA kübok Natunnata NGO den yaritepa ayongzüka.

Iba sentong nung Singpho, Tangsa, Sema, Tai Phake, Tai Khamti, Tai Aiton, Tai Turung aser Tai Khamyang kintem aden.

"Taoba Chief Minister Tarun Gogoi-i aniba Congress sorkar mapang Singpho, Sema, Tangsa and Man Tai Speaking Development Council nem Rs 3 crore lezmüksü. Ajisüaka Assam nung tang Bharatiya Janata Party-i aniba sorkar ajanga council nem Rs 33 lakh agütsü" ta Pallab Shyam Wailung-i ashi.

Tinsukia district nung 83rd Margherita Legislative Assembly Constituency kübok lisopur yimtsüing 87 lir ajisüaka comprehensive development mali ta paisa ashi.

Iba tesem ya Constitution nung Article 244(2) kübok "compacted area" ta sangdongtsüla aser Dima Hasao, Karbi Anglong o Bodoland Territorial Region ama autonomous arrangements asütsüla ta Wailung-isa metetdaksü.

1995 nungi Tirap Autonomous Council atema ano telemtetba magiteti arur. Onoki iba ya ano mangu saka maneni inyaksü ta Wailung-isa ashi.

BJP-i onok dang nungi ajizüka inyaker: Gaurav Gogoi

Guwahati, March 1, 2026 (Agencies): Assam Congress President aser Lok Sabha MP Gaurav Gogoi-i assembly elections atema tebilembatem party temaba tanishirtem dangi benogo ta ashi.

State unit-i Congress high command dangi comprehensive report benogo aser central leadership-i ashiba ama inyaksü ta Gogoi-i ashi.

"Onoki alliance atema

lennirtem dang shiogo aser iba nung onoki jembiba party tem shiogo. Onoki central leadership nem osang ajunga agütsüogo aser parnok nungi kechi tetuyuba arudir inyaksü" ta pai ashi.

"Bharatiya Janata Party (BJP)-i onok outreach programme ajizüksü meranger. Congress-i aniba Samay Parivartan Yatra agidang public-i kanga junga

agizük aser ibaji ajizüka BJP-i inyaksü meranger" ta Assam Congress President Gogoi-isa ashi.

"Onoki tenzüka Samay Parivartan Yatra takok anguba ngur BJP-i ajizüka benshir. Congress campaign nung nübortem nungi telangzüba tajung liasü aser iba ajanga nübortemi tang sorkar dak temulung masüba sayur" ta Gogoi-isa ashi.

Manipur nung non-camp IDPs-i kasa teyari meshir

Imphal, March 1, 2026 (Agencies): Manipur nung internally displaced persons (IDPs) nem kasa relief agüjang ta Manipur Chief Minister Yumnam Khemchand Singh nem memorandum ka agütsüogo.

Iba ya formal relief camps nung malirtemi züluba lir aser Churachandpur nung Paite nung Anthony Naulak-i agütsü.

Manipur nung kin o kin tsüngda mangatettep ajanga non-camp IDPs ajanga tayongzüka aika ajurur ta memorandum nung zülua lir.

Naulak-i Imphal East

kübok Singjamei-i ao aser idakji Chief Minister den ajuruteptsü maongka ngua designated camps nung malir nem-a relief tajangzükte agütsütsü rongshiogo.

Naulak-isa Lavna TD Block relief camp nung Kuki IDP kibong 70 shi ka den ajurutepa sensaksem.

Pai agütsüba memorandum nung government assistance programmes nung non-camp IDPs mezüngsemer ta shia lir.

Non-camp IDPs nem Direct Benefit Transfer (DBT) aid, ki ajunga rongdoker nem Rs 1 lakh agütsüba, essential items

atema nisung shia nem Rs 2,420 one-time special support aser tanga rehabilitation measures magütsür ta memorandum nungsa shia lir.

Tang anogoshi Rs 84 DBT allowance agütsüba ya ita nung nisung shia Rs 2,520 angur saka iba jagi meperir ta paisa ashi.


Chief Minister Yumnam Khemchand Singh-i daily allowance nisung shia nem Rs 84 nungi Rs 100 agütsütsü nangzüka.

CM-isa non-camp IDPs nem essential rations aser tanga basic amenities agütsütsü nangzüko.



Muliabari, Digboi nung aliba Paragadhar Chaliha Auditorium nung 'Mission Vasundhara 3.0' digital land patta agütsüba sentong nung Digboi MLA Suren Phukan-i patta agütsüba angur. Iba sentong ya Digboi district administration-i ayongzüka aser beneficiary nem land pattas (ownership certificates) 491 lema agütsüogo.

Belgium-i Russia indang shadow fleet tanker ka apu



Brussels, Metsüremi/ March 1 (Agencies): Belgium-i Deobarnü Russia indang shadow fleet meyong totzü abenba rong ka puogo, ta Belgian Defence Minister Theo Francken-i ashi.

Ukraine amakba atema anüolen aliba linüktemi Russia nem tenokdangba balala agütsür lir, koba totzü nungi sen aazükba tajemba kümdaktsütsü nükjidong nung benokogo. Ajisüaka iba ajanga "shadow fleet" tem tali küma odar aser item rongtem yagi totzü maneni export süa alitsü atema Moscow nem teyari agütsür.

"Taoba ghonda ishika tsüingda French Defence-i teyari agüja onok indang sepaitemi Russian shadow fleet

meyong oil tanker ka azüokogo," ta Francken-i Deobarn anepdang X ajanga metetdaksü.

"Iba rong ya tang Zeebrugge rongnendaki anir odar, kong iba ya sota ayutsü," ta paisa metetdaksü.

Belgium nunger ketdangsür kati ashiba agi, parnoki pua aliba rong tenüing ya Ethera ta jangjaogo aser iba ya European Union indang sanctions list nung lir.

Shadow fleet vessels tem ya yimya agi kibur mejangja alir aser item rongtem amshiba ya tzü mopung asoshi lendong asütsü akok ta bilema ashishia arudar, kechiyong item rongtem ya junga masadanger, tanker tejentem nung totzü yangshi,

mechanical failure ajangshir aser iba ajanga tzüyim nung aliba ecosystem amokmerener.

"Pa indang shadow fleet medeni Putin-i tai maketba Ukraine nungertem den meraratettsü. Anungji onoki item rong tem ya rara manen tashi ka khen ka khen ta puyonga aotsü," ta Francken-i ashiba den Belgium-i onok nem nongloksüba khuret süoki ia agir ta ashi.

Minister yagi Reuters dang ashiba agi, iba rong ya wako aser kuli kaket taila bener senzür asütsü ta temulung meleme bilema liasü.

Russia-i parnok indang khu bener aliba tanker aser rongtem apuba ya aur inyakyim lir ta shia arudar.

Afghanistan-i Kabul kolak nung Pak nunger jets nokdangtsü merang

Kabul, Metsüremi/March 1 (Agencies): Deobarnü bomb aser prangbong ola agi Kabul anokshitsüba mapang Afghanistan-i ashiba agi, parnoki Kabul kolak nung Pakistan nunger jet tem dak injang khaloktsüdar ta shiogo.

Afghanistan aser Pakistan na raratepa aliba mapang tang ano US aser Israel-i Iran amakba ajanga middle east ya mepetmesü tulu nung lir.

Taoba hopta nungi tenzüka Pakistan-i anüing ajanga Afghanistan nung sorkar tamendakdak bakaka maka arudar. Kiralongrartem nem tejenokba agütsüba atema aitsüba sülen Pak-i parnok amak tenzüka liasü.

Kidanger ana tsüingda raratepba tenzüka ajanga linük ana tsüingda arrtsü km 2,600 aliba nung ya mepetmesü tulu adoktsü ta tsübuja bilemer, aser Qatar o Saudi Arabia na densema linüktemi azüzüktepba inyaktsü ayongzükba den ceasefire atema parnoki teyari agütsütsü mulunga aliba lemsatepogo.

Deobar anepdang anü madokdang Kabul kübok tesem balala nung bomb



Zabihullah Mujahid

apokba aser iba sülen injang khaloktsüba angashiogo, ta Reuters atema tenük kuli agütsür kati ashi. Ajisüaka kechi dak rangloker bomb aser injangtem ya khaloktsü mesüra nisunga asü masü ajibo mejangja. Taliban administration otongdar Zabihullah Mujahid-i ashiba agi, linük yimtiba nung Afghanistan nunger sepaitemi Pakistan nunger tayimtsü dak injang khaloktsüba angashiba lir.

"Kabul nung Pakistan nunger tayimtsü khadanga liasü. Kabul yimti nung alirtem tsübuja malitsüla," ta Mujahid-i ashi.

Ken o dak sendakba nung Pakistan Ato Kilonser office, information ministry aser military-i kecha telangzüba magütsü.

Iba hopta Pakistan-i anüing ajanga Afghanistan kübok tesem balala amakba sülen Deobarnü iba lendong ya ataloka liasü. Pakistan-i ashiba agi, parnoki kiralongrartem tamendakdak balala amaker. Kasa mapang nung Afghanistan-i ashiba agi, iba inyakyim ya par linük sovereignty anema lir aser parnokia telangzüba agütsütsü.

Iran ya Afghanistan aser Pakistan naprongla den arrtsü nung lir aser parnoki sensaksem atema teyari agütsütsü benok, saka parnoka Israel aser US-i Honibarnü nungi amak tenzükingo.

Pakistan-i ashiba agi, Afghanistan-i Tehreek-e-Taliban Pakistan (TTP) telungpurtem nem tejenokdak agütsür, shirnok Pakistan sepaitem den rara arudar.

Afghanistan-i iba taitüsü ya magizük aser parnoki tangar linük ka amaktsü atema par litsü mamshidaktsü aser iba ya Pakistan telung ken o ka lir ta shia arudar.

Iba rara nung telok anapronla kanga akoksa arudar. Saudi Arabia, Russia, China, European Union aser United Nations nunger ajaki azüzükteptsü aser sensaksemtsü atema ayongzükba arudar.

Khamenei tepsetba sülena Israel air force-i Tehran amak

Jerusalem, Metsüremi/ March 01 (Agencies): Israel mitkari tayimtsü amshia Iran amakba nung par supreme leader tepsetba sülen ano Deobarnü Tehran tiyong nung amak ta ashir, aser Middle East nung tensa kanga mejungi kumogo.

Tehran nem lenmang lapoktsütsü asoshi taoba anogo Israel indang air force-i maka liasü ta ashi. Islamic Republic nung sorkar atsüingdoktsü atema military campaign ka tenzüka tayimtsü amshia amakba nung Ayatollah Ali Khamenei tepsetogo ta US aser Israel nati shir ghonda ishika lir Iran indang state media-ia arishi küm 86 tain lenir tepsetba jangjatsü.

Iran indang constitution kübok Supreme Leader ya Assembly of Experts ajanga shimer, koba züngsem 88 aliba putir tentet ka lir, aser parnoki lenir shimer aser anentsüteter.

Iran nung tematiba tashi Supreme Leader-i bena lir, armed forces indang commander-in-chief ama inyaker aser foreign policy atema telemtetba agi, koba United States aser Israel anema tuluba lir.

Khamenei indang adviser Ali Larijani-i lenir tasen ka meshim tashi constitution nung

ajemdaker khen asoshi lenir ka shima atatsü ta ashi.

Khamenei ya Iran ketdangsürtem den senden ka amentsü aliba takzür Honibarnü Israel aser US nati amak, ta US ketdangsür aser osang balala ajanga ashi.

Tashi ita aliba aser tanen makai maparen inyakba temaitsü Khamenei melener ka tekeraba nung bushitsü ta Iran nung aliria ashi.

Ano Iran asoshi takoksa tulukaji Armed Forces Chief of Staff Abdolrahim Mousavi ya kasa mapang tepsetogo, ta broadcaster Iran TV ajanga ashi.

Iran-i tayang kepzüka Gulf temeket nung tayimtsü amshia amakba sülen United Arab Emirates tir indang adviser Anwar Gargash-i Tehran dang nüchi dangi meyiptsü ajungshi aser rara ya Iran indang Gulf Arab kidangertem den masü ta ashi. Iran-i tayak kepzüka amakba nung takoksa tulutiba UAE nung ajurua lir.

Deobarnü US Tir Donald Trump-i, Iran-i tayang kepzüka makra US-i kodanga mongudangba tashi amshia amaktsü ta tekum dangtsü ashi.

"Tanü Iran-i kanga sashia amaktsü, taoba mapang amakba dang tesashiba

amaktsü ta shiogo," ta Trump-i Truth Social post ka nung ashi.

"Parnoki yamaji meinyak tajungba, ajisüaka paroki inyakra, tesüiba mapang mongudangba tashi amshia onoki amaktsü!"

Iran indang parliament speaker Mogammad Baqer Qalibaf-ia, nenoki nenok sasa mepishitsüsa onoki nenok amaktsü, ta Trump aser pa tembar Israel Ato Kilonser Benjamin Netanyahu dang ashi.

"Ni Trump aser Netanyahu aser par agents aser proxies, ni ano lepszir, item mapa tamajung inyaker aser parnok agents ajunga dang ya ashi: nenoki ozü red line alemogo, aser iba atema nenoki taa agütsütsü."

Oman indang maritime security centre ajanga ashiba agi, Palau-flagged oil tanker Skylight ka Oman indang Musandam tzükum nungi nautical miles pongu shi pilar amak. Nisung pezü yiru aser rong nung mena alir nisung 20 anitet.

Khamenei sülen anüidakba Shi-ites nisungtem ya Iran nung kisüing masü saka Iraq amala linüktem nunga lir, kong Tehran-i yariba telungpur temi US aser Israel nati amakba sülen tayang kepzüksü amokmerena lir.

Iraq nung tematiba Shi'ite cleric Grand Ayatollah Ali al-Sistani-ia Khamenei tepsetba asükhu lemsatep aser Iran nunger dang telungjem nung alitsü ayongzükba liasü.

US aser Israel nati Iran amakdang Khamenei tepsetba osang prokshiba sülen longkak aiter temi Karachi nung US consulate jara temaba alema ai aser nisung toku asü, ta Pakistan police-i Deobarnü ashi.

Alima nung tayimtsü nung senzüsempogba nung kanga sashia timtem ajurua lir, kechiaser tayimtsü amshia amakba ajanga alima nung mazüngtiba airport Dubai densema Middle Eastern airports tulutem shibanga lir.

Dubai aser Qatar yimtiba Doha nung Deobarnü agi ananü buba ola tulu adoka apokba angashiogo ta tenük kuli alirtemi ashir, koba Iran-i kidanger Gulf linüktem nung tayang kepzüka amak tenzüka sülen alitsü.

Iran nung küm 36 tashi yimsü süa arusang Khamenei ya Honibarnü pa indang office nung mapa inyaka aliba mapang amak, ta state media ajanga ashi. Iba mapang par jala, semchir, jala kinungbo aser jabaso kinungtsü tem densema tepset.

Northeast Japan Caravan nung NJA-i shilem agitsü



Mokokchung, Metsüremi/ March 1 (TYO): Nagaland Judo Association (NJA) Northeast Japan Caravan 2025-2026, nung shilem agitsü, koba March 7 aser 8 nü State Academy Hall, Kohima nung agitsü.

Sentong nung shilem ka ama association-i Judo demonstration ka ia sayutsü, ta ketsangürtemi sangdong ka ajanga

metetdaksü. Iba sentong atema Nagaland Judo Association tenung nung Judokas 14-i shilem agitsü, kong NJA Headquarters, Mokokchung nungi tebur 8 aser tetsür 6 densema liasü.

Sentong mapang Judokas tem achaayangtsü asoshi association-i Rongsentoshi Jamir, tatong tir; Somnath Chakraborty, General

Secretary; Alemyanger Jamir, züngsem; Tsaliese Rongsen, züngsem aser Suradip Basak, Technical Instructor nunger nem nongloksüogo.

Nagaland Judo Association iba sentong nung shilem agiba nükjidongji Judo asaya ya tajungba ajungkettsü aser asayartem nem parnok sempet nüburtem nem sayutsü asoshi maongka agütsüta atema lir.

World Cup qualifier atema India tetsür hockey team sangdongogo



Metsüremi/March 1, 2026 (Agencies): Hockey India-i Deobarnü tetsür Cup Qualifiers atema asayar 20 agi kümtetba team ka sangdongogo, koba midfielder Salima Tete lenisüba nung asayatsü. Goalkeeper tejen aser taoba mapang captain Savita Punia-i iba asayamung nung shilem magitsü telemtetba agiogo.

FIH Hockey World Cup 2026 Qualifiers ya Hyderabad nung March 8 nungi 14 tashi asayatsü renema lir.

India den England, Scotland, Korea, Italy, Uruguay, Wales, aser Austria nunger Belgium aser Netherlands nung FIH Hockey World Cup asayatsü atema qualification spot asem aliba atema tokteptsü. FIH Hockey World Cup ya August ita asayatsü.

Team tem ya pool ana küma lemsar lir; Pool A nung England, Korea, Italy, aser Austria aser Pool B nung hosts India, Scotland, Uruguay, aser Wales ata lir.

Source balala ajanga ashiba agi, Savita ya jurila maparen kar

aliba ajanga iba asayamung nung masayatsü telemtetba agi.

"Jurila maparen kar aliba ajanga iba asayamung nung shilem magitsü telemtetba agiba sülen Savita ya national camp nung shilem magi-i liasü," ta source kati PTI dang ashi.

Asayar tejen Salima Tete lenisüba nung team maneni asayatsü. Squad nung Bansari Solanki aser Bichu Devi Kharibam nunger goalkeeper asütsü.

Defence nung Sushila Chanu Pukhrabam, Nikki Pradhan, Manisha Chauhan, Udita, aser Ishika Chaudhary nunger densema lir aser captain Tete-i anir, Neha, Sunelita Toppo, Sakshi Rana, Vaishnavi Vitthal Phalke, Rutaja Dadaso Pisal aser Deepika Soreng nunger midfield nung asayaba angutsü.

Attask nung Navneet Kaur, Ishika, Lalremsiami, Beauty Dungdung, Baljeet Kaur, aser Annu nunger asayatsü.

"Onok külemi mezüngbuba asayamung asayatsü yongya

atar. Onok temang anema alitsü aser tasa balala benoka asayatsü atema rangloker inyaka aruogo, aser ajaki team nung pei shilem angateta lir. Onok asayamung atema renemtsü asoshi Hyderabad nung practice asaya ana asayatsü," ta chief coach Sjoerd Marijne-i ashi.

India team iba asayamung nung mezüngbuba asaya Uruguay den March 8 nü asayatsü aser iba sülen Scotland den March 9 aser Wales den March 11 nü asayatsü.

Squad:

Goalkeepers: Bansari Solanki, Bichu Devi Kharibam.

Defenders: Sushila Chanu Pukhrabam, Nikki Pradhan, Manisha Chauhan, Udita, Ishika Chaudhary

Midfielders: Neha, Salima Tete, Sunelita Toppo, Sakshi Rana, Vaishnavi Vitthal Phalke, Rutaja Dadaso Pisal, Deepika Soreng

Forwards: Navneet Kaur, Ishika, Lalremsiami, Beauty Dungdung, Baljeet Kaur, Annu.

AFC-i first-leg knockout asayatem thinentüsügo

Metsüremi/March 1, 2026 (Agencies): Asian Football Confederation (AFC)-i Deobarnü sangdong ka ajanga iba hopta Middle East nung asayatsü aliba first-leg knockout asayatem ajak thinentüsüba metetdaksüogo.

United States aser Israel nati Iran maka mepetmesü tulu adoker aliba mapang AFC-i iba jenjang agiogo.

Iba telemtetba agiba ajanga AFC indang club tetoktepbba tongtibang asemprongla dak kongshiogo, kong Champions League Elite densema lir, ta AFC-isa metetdaksü.

"Middle East nung tensa mejungi akümba ajanga Asia anüolen March 2-3 nü asayatsü aliba asayatem thinenogo," ta AFC-i Kuala Lumpur nungi

sangdong ka ajanga metetdaksü.

AFC-isa, parnoki tensa kanga kara melenshia aoba ya asadangdar aser asayar, team, ketsangürtem aser fan tem ajak kümba toktsütsü atema bendanga agütsür lir, ta ashi.

Asaya thinenba rongnung Qatar club Al-Duhail aser Saudi Arabia club Al-Ahli na asayatsü aliba densema lir. Tanga round-of-16 asayatem rongnung Dubai club Shabab AlAhli aser Iran club Tractor na aser Abu Dhabi club Al Wahda aser Al-Ittihad na asayatsüba nunger densema lir.

Asia kübok tanga tesemtem nungbo atakzüka aliba asayatem asayatsü, ta kasa sangdong ajanga AFC-i metetdaksüogo.

Kosgei-i otsü tasen ka yanglua Tokyo Marathon kokogo



Metsüremi/March 1, 2026 (Agencies): Kenya tsür Brigid Kosgei-i course record tasen ka yanglua Tokyo Marathon ayong ayonga kokogo.

Arisihk üm 32 tain asayar yagi alizüing 2:14:29 nung tongtet koba tanabuba jenjang nung tembangla Ethiopia tsür Bertukan Welde dang nungi minute ana agi timba liasü. Welde-i alizüing ya 2:16:36 nung tonga liasü.

Kasa mapang nung Ethiopia tsürsa Hawi Feysa-i alizüing 2:17:39 nung tongteta la tasembuba jenjang nung asaya tembangogo.

Taoba mapang course record ya 2:15:55 liasü, koba taoba mapang Tokyo Marathon anaben koker alila Sutume Asefa Kebede-i 2024 küm yanglur liasü.

Kosgei, shibai 2021 küm Tokyo Olympics nung Kenya tenung nungi asayaba mapang marathon nung silver ngua liasü, la 2028 Los Angeles Games nungbo Turkey tenung nungi

asayatsü sentong lir.

"Kenya nung asayar aika lir," ta Kosgei-i ashi. "Ni lanur asayar kar nem kü tsüingsü nung anidakdaksüner."

Tebur asemtepbba nung Ethiopia nunger asayar Tadese Takele-i pa indang title defend süa taküma iba asaya kokogo. Pa sülen tanabuba aser tasembuba jenjang nung Kenya nunger Geoffrey Toroitich aser Alexander Mutiso Munyao na liasü.

Takele-i alizüing ya 2:03:37 nung atong, koba tanabuba jenjang nung tembangsang Toroitich den kasa dang aser tasembuba nung tembangsang Munyao-ia tena ya second ka agi dang memenep.

"Tatembangbuba stage ya kanga tongtibang asütsü ta ni meteter liasü," ta arishi küm 23 tain Takele-i ashi.

"Km 41 atongba mapang ni kechi ataloktir ta ata-a liasü aser tatemtsü lia ni jenjang agia liasü," ta paisa shisem.

BILEMDANGANG

"Tsüngrem sülenbo na ajak dang tongtibangtiba ta angatetang."